



YMA thiltum: 1. Hunawl hman that. 2. Zofate hmasawwna ngaihtuah. 3. Kristian nun dan tha ngaihsan

Vol. 43		Issue No. 11		Ramhlun North: Ni 15 March, 2025																								
 BRANCH THU THAR ■ Bungraw hawhman ennawn a ni: Bungraw hawh man thar hetiang hi ani: 1. Dekchi pakhat Rs 50/-a ngai 2. Thirbel lian Rs 50/- 3. Thutthleng sei (Thing) 1-Rs 5 4. Thutthieng sei (Plastic)1 - Rs 5 5. Chair te Branch leh Section in a neih te- 50 chinah Rs. 100 6. No (50 chin hnuai lam) - Rs 20 7. No (50 chin chung lam) - Rs 50 8. Gas thuk 1-Rs 50 9. Thutthleng dup (Cushion) Section remtihna leh ruahmannaah dah a ni. 10. Sound System(P.A Set) etc.- Rs 500 11. Tea Urn 1-50 12. Red Carpet Rs 50 13. Silpouline 1-Rs 50 14. Musical Instrument leh sound system hi mimalah hawhchhuah phal ani lo. ■ Ramhlun North Mistiri Association te vawiin hian kuang siamin an hnatlang a, an chungah Ramhlun North Branch YMA chuan lawmthu a sawi a ni. ■ Library Sub-Committee: Committee member thar atan- Nl. Josephine Lalthazuali, S-Sec. Nl. Vanlalhruaii, N-Sec. te ruat an ni. ■ Neuva Section Committee member thar atan Tv. Samuel Vanlalnghaka leh Tv. Vanlalremruatpuia te ruat an ni. ■ Taitesena Section: Ni 20.03.2025 zanah Thlanlaih hnatlang neih an tum a, member zawng zawng leh remchang a piang thawk chhuak turin an inngen a, lirthei neiin tlawmngaia thawh chhuahpui turin an inngen a ni. ■ Saizahawla Section: Section sumtuakna atana an bawngsa zawrh leisak zawng zawng tute chungah lawmthu an sawi. ■ Property Sub-Committee: MARYMA Computer dawhkan tur thar siam a ni.		BRANCH EXECUTIVE COMMITTEE THU <i>(Vengchhung thenfai hnatlang neih tum a ni)</i> Ramhlun North, the 15th March, 2025: Nizan ni 14.03.2025 khan Ramhlun North Branch YMA Executive Committee vawi 3-na neih a ni a, thu rel tlangpui hetiang hi a ni. Ramhlun North Local Council rawtna angin furpui lo thlen hma a vengchhung thenfai hnatlang neih turah branch te min ngen angin ni 29.03.2025 hian hnatlan tum a ni. Chapchar Kut Thlirletna: Chapchar Kut, 2025 lawmna thlirlet a ni a, Cheraw leh Tlanglam a tel zawng zawng te leh a tawiawmtute chungah branch chuan lawmthu a sawi a ni. Thlanmual Lungrem: Thlanmual sub-committee in Ramhlun North thlanmual, Zemabawk-a lungrem an rawn dil chu remtih a ni. Disaster Sub-Committee: Disaster Sub-Committee rawtna angin bungrua heng- 1. Helmet -15 nos 2. Jacket - 15 nos 3. Rubber gloves - 15 nos 4. Silpauline - 5 nos te lei remtih a ni. Property Sub-Committee: Property Sub-Committee atanga rawtna angin leihlawn (ladder) leh LED light (Sawhchiar siamna a mi tur) lei rem tih a ni. Library Sub-Committee: Library Sub-Committee atanga rawtna angin heng 1. Water filter 2. Book End 3. Signboard 4. Register bu lian 5. Computer set te lei rem tih a ni a, Celing fan leh light te lo siam that sak turin Property Sub-Committee te ruat an ni bawk. Tanpuina Pek: Central YMA atanga ngenna angin Bangladesh zofa unau kangmei tuar te tanpuina atan Rs. 5000/- pek ve ni se tih a ni.																										
		RAMHLUN NORTH FOOTBALL CLUB CONCERT Ramhlun North Football Club chuan Season thar atana inbuatsaih nan ni 18.03.2025 (Thawhlejni) zan dar 8:15 hian concert a butasaih dawn a, sum mamawhna a san thin avangin theihtawpa lo inbuatsaih lawkna a ni tih min lo hriatpui a, Concert en tum lem lo pawn tlawmngaia ticket min leisak vek turin vengchhung mipuite min ngen. Concert-ah hian ticket 1. Rs. 1000/- man (Photo meet and greet) leh 2. Rs. 200/- man a awm dawn a ni. Ticket leina tur te: <table><tr><td>1. Ethan GO-Mobile</td><td>2. STEnterprise</td><td>3. LT Brothers</td></tr><tr><td>4. 3 Sons Electricals</td><td>5. Martin Collection</td><td>6. Pu Malsawmthara</td></tr><tr><td>7. TMB LOJA</td><td></td><td></td></tr></table> Concert-a zai tur te: <table><tr><td>1. Taitea</td><td>2. Peter-a</td><td>3. Bk-a</td><td>4. Mawimawia</td></tr><tr><td>5. Samson-a</td><td>6. Rs-a</td><td></td><td></td></tr></table> Phal taka min sponsor thin tute hnenah lawmthu kan sawi a, Heng mite hi min sponsor tute an ni. <table><tr><td>J&BL Auto Refinish</td><td>Martin Collection</td><td>Ethan Go-Mobile</td></tr><tr><td>Sumi Hardware</td><td>Naamy Restaurant</td><td>SB Enterprise</td></tr></table>				1. Ethan GO-Mobile	2. STEnterprise	3. LT Brothers	4. 3 Sons Electricals	5. Martin Collection	6. Pu Malsawmthara	7. TMB LOJA			1. Taitea	2. Peter-a	3. Bk-a	4. Mawimawia	5. Samson-a	6. Rs-a			J&BL Auto Refinish	Martin Collection	Ethan Go-Mobile	Sumi Hardware	Naamy Restaurant	SB Enterprise
1. Ethan GO-Mobile	2. STEnterprise	3. LT Brothers																										
4. 3 Sons Electricals	5. Martin Collection	6. Pu Malsawmthara																										
7. TMB LOJA																												
1. Taitea	2. Peter-a	3. Bk-a	4. Mawimawia																									
5. Samson-a	6. Rs-a																											
J&BL Auto Refinish	Martin Collection	Ethan Go-Mobile																										
Sumi Hardware	Naamy Restaurant	SB Enterprise																										



Editorial

TANRUAL

Veng nawm leh nawmloh tehna hi chi hrang hrang a awm thei awm e; faina leh thianghlimna kawngah te, van tlang himna ngaih pawimawh te hi thil pawimawh tak niin a lang. Himna hian zalenna min pe a, he zalenna kan hman thiam leh thiam loh hian kawng a su kaw thui viau mai. Mimal tin hi kan pawimawh dan a inchen theuh a, tu mai pawh hian tih tur kan nei a, kan tih tur kan tih loh avang leh kan tih loh tur kan tih thin avang hian harsatna hi kan insiamchawp chawh thin.

Mihringte hi a huho a cheng tura duan kan ni a, tu mai pawh hian tangkaina leh pawimawhna kan nei vek mai. Cheng ho/nun ho kan nih chuan thawhona tha neih hi thil pawimawh tak leh kan tih makmawh a ni.

Thenawm vengte fak derna te kan dawng thin a, “Ramhlun North chu a nuam a, an veng an tangrual tha” tih te a ri leh zeuh thin. Hengte hi mimal thiltih vang nilovin a huho a kan chet velnaah kan inlungual a lan thin vang a ni ber mai. Thil lawmawm tak mah se tan kan lak zelna tur a min nawr kalu leh chakna min petu nise a duhawm hle.

Mitin te hlim taka kan awm theihna tur chuan kan him a ngai a, himna hian hlimna hi min pe nasa viau mai. Tunlai hian kan veng chhungah thil bo hriat tur a awm leh zeuh zeuh thin a, heng te hi thil pawh tak a ni. Veng lian kan nih angin thil tawn leh tawh pawh kan ngah a, heng te avang tak hian inlungual taka kan tanrual lehzuah hi a va ngai nasa em!

Sualna pung zelah hian mitin mai hi kan fimkhur tawh a, kan inhung khap khup a. Chutih rual chuan tumai pawh hian hetiang thil duhawmlo tak hi tawh thei vek kan ni, “Mahni kan him chuan a tawh mai” tih rilru pu lo a kan him tlanna tur kan ngaihtuah zawk hi tunlai khawvelah chuan thil pawimawh tak a ni. Chuvang chuan, veng nuam siam tur chuan tumai pawh hi kan him a ngai a, chumi himna thlen theitu chu thawhona leh tanrualna tha a ni tih hre thar ila. Chutiang tur chuan tan la thar deuh deuh turin kan in ngen a ni.


KHAWTHLIR

NGÂWI DAWH LEH KUANG ÛR

NGÂWI DAWH

Ngâwi Dawh hi tiau chhak lam a kan pi leh pute an awm lai a an tih chhuah a ni a. Mi pakhat Vanhala an tih chuan hmeithai kawizang (Nghâkuai) a hawh a, tiau luih chuan a zuk chiah a, sangha lian pui mai chuan a lem a, a hrui a tal chat ta a, nghâkuai chu a lem ta daih mai a, Vanhala chuan pawh a ti em em mai a, a aia tha a chher sak ta, mahse chu hmeithai chuan "Ka ta te kher lo kha chu ka duh hlei nem, ka nghâkuai ngat kha min pe tur a ni," a ti ve tlat mai si a, Vanhala kawizang chher sak pawh chu a duh ta lova. Vanhala chu a



mangâng ta em em mai a, Nghâkuai lemtu sangha man dan chu a ngaihtuah ta a.

A nghâkuai chiahna li-ah chuan lungreng a deng ta tluk tluk mai a, chuta sangha liam thla luhna tur chuan bawm a siam ta a, chu mi chang tur chuan nitin mi a sawm a, a bawm siam-a sangha lo tla chu a ril a khei zel a, an phur haw zung zung ta mai a. A tawpah chuan nghâkuai lemtu chu a man fuh ta hlauh mai a, lawm tak chuan a hawn ta a, hmeithai nu chu a pe ta a. Hei hi Ngâwi Dawh intanna a lo ni ta a ni.

He ta tang hian kan tawng kâuchhéh pakhat, mahni ta kher duh sawi na "Hmeithai kawizang ngen ang," tih a lo pian chhuah phah nghe nghe bawh a ni.

KUANG ÛR

Kuang ur hi kan hre hlawm tawh in a rinawm. Kan pi leh pu te atangin kuang ur hi an lo ching tawh thin a, an ruhro an lo vang tha thin a ni.

Kuang Ûr hi a hautak em avângin Lalte leh mi tha ho chuah lo chuan an ti ngai vak lo a. Thing lian tawh tak, mihring leng tur an la a, an phel phâwk a, mihring leng tur in an kêr kua a, a chhungah chuan an zalh ta thin a ni. Hlum emaw vut sawh in an zut phui leh vek thin a ni.

Khum âiah tap lian pui an chhêp a, a bulah chuan kuang chu an dah a, a thli luan chhuahna tur dâwt an vuah a, chu chu inhnuai an phum leh ta a ni. Tichuan, a rim chhia zawng zawng chu inhnuai leiah chuan a luang ral ta vek thin a ni. Tlangval tlawmngai in thing ro an pu hawng a, chu

chuan chhun zan zawmin an ùr thin a. Chhun lamah chuan pa hovin mai an vil in, zan lamah êrawh tlangval hovin an vil.

Kuang Ûr hian thla khat lai te âwh ve thin a. Kum 1940 vel thleng khan Kuang Ûr hi an la ching a ni.

Chutia thla khat te a lo zawk chuan,

tlangval tlawmngai te chuan an phawrh a, ten leh châk lo hmel an pu lo, a ruh te chu tui lumin an sil fai a, an pho ro diam a, an chhung te'n puanin an tuam a, mitthi thulah chuan an khung ta thin a ni. Mitthi ro sum dang zawng zawng aiin an ngaihlu a, kang mei tawh palh pawhin bungraw dang zawng zawng aiin a kan chhiat an hlau a, an chuh hmasa ber thin.

Khaw thar an kai pawhin an chhawm zel a, sahriak te hnawiin an chei fai reng thin. Rei tak hnuah mitthi phum dan pangngaiin an phum ta thin a ni. Lusei thlah bik hian khiang hi an hman thin avângin, an ni ho hian khiang hi thil dangah an hmang thiang lo a ni.

Editor: Eddie Lalfakzuala (7005269255); **Jt. Editor-te:** Lalrotluangi Zote, RK Lalmuanpuia, Lalnuntluanga, Vanengmawia

Manager: C. Lallianzuala (9862365843); **Asst. Manager-te:** Zodingiana, Lalrinchana, Lalrinawma

Circulation Managers: PB Lahuapzauva, Samuel Lalhlupia, Hmingthanzuala, Vanlalinkima, R. Zodinsanga, Zothankhuma, Lalrinchana, K. Lalmuanpuia

DAMLO

■ Rev. C. Biakmawia, T-Sec. chu a tlu soal palh a, Synod Hospital, Durtlangah enkawl mek a ni.

■ Rev. Sanghnuna, V-Sec. chu taksa chak lohna avangin Synod Hospital, Durtlang ah enkawl a ni.

■ Pu Lallura Zote, V.Sec. chu Synod Hospital, Durtlangah enkawl mek a ni.

■ Pu C. Laldinpuia, S-Sec. chu khawsik avângin Agape Hospital, Chanmari-ah enkawl mek a ni.

■ Pu Vanlalruata, C-Sec. chu LRM damdawiin ah a ke zai chu in lama inenkawl turin a lo chhuak.

■ Pi Laihnuni w/o K. Ralchhuana, N-Sec. chu an inchhungah a tlu soal palh a, in lamah enkawl mek a ni.

■ Pi Lalthankimi w/o Lalthanzuala (L), K-Sec. chu Greenwood Hospital-ah enkawl mek a ni.

KOHRAN

■ **Roman Catholic:** St. Thomas Church Ramhlun, Parish Silver Jubilee (25) pualin Lent hun chhunga Retreat neih tum.

Tin, Catholic Mipa Pawl (CMP) te chuan March Ni. 14 atang 16 thlenga Retreat nei turin St. Thomas Parish, Ramhlun (Kohhran Hall-ah) zan riak lutin hun hman tum a ni. Main Preacher tur hi Rev. Fr. James Zodinlana (Parish Priest, Ramhlun) a ni.

■ **Presbyterian Kohhran Ramhlun North:** Ni 14-15 march 2025 hian Ramhlun North Kohhran chuan Beginner atanga Senior Department zirilaite tan Vocational Bible School (VBS) hun an hmang.

LOCAL COUNCIL

■ UD&PA Deparment hunuaia Swachh Bharat Mission (Urban) leh DAY-NULM tangkawp te chuan March ni 19-21, 2025 chhung hian **YMA Committee Room**-ah Swap & Save Campaign (Reduce, Reuse, Recycle-RRR Centre) neih ni se tiin ruahmanna siam a ni a. He RRR Centre hi ziriai naupang session thar kai mai tur ten an zirilaibu hman tawh loh, uniform hak/bun tawh loh te leh zirna kaihnawih (school items) an rawn donate theih nan leh, a la hmang tangkai tur ten an hman nawn ve leh theih nana awlsam zawk leh a sen tlem zawka an inthleng kual theihna tur hun siam sakna tur a ni.

(Office hun chhungin dawr theih an ni dawn a ni. -Ed)

ZIN & HAW

■ Pu Tlangtimawia Zote te nupa, V-Sec. chu an tupa matric exam zo hruai turin Shillong-ah an zin.

■ Rev. R. Ramnghinglova, N-Sec. chu a nu boral avangin Kolasibah a zin.

■ Pu GC. Lalremruata, N-Sec. chu hna thawhna thil avangin Serchhipah a zin.

■ Pu Laltlanmawia, N-Sec. chu a hna thawhna hmun Silchar atangin chawlh hmangin a lo haw.

■ Pi C. Lalrinchhani w/o John Lallawmawma, T-Sec. chu chhungkaw pawimawh buaipuiin Khawzawl ah a zin.

■ NI. Cindy Lalthlamuani d/o Remruatsaka, N-Sec. chu chhungkaw pawimawh thilah Winchester-ah a zin.

■ NI. Nancy Lalhmunzauvi, S-Sec. chhiat tawh avangin Lawngtlaiah a zin.

■ Pi Rorellianni Zote te nufa, V-Sec. chu inentir turin Shillong-ah an zin.

■ Tv. Biakthansanga Zote s/o Lalmuanpuia Zote (L), V-Sec. chu inentir turin Shillong-ah a zin.

■ Pu H. Lalthazuala te nupa, K-Sec. Delhi a chhungkaw thil pawimawh buaipuia zin chu an lo haw leh ta

■ Dr. PC. Lalawmpuia te chhungkua, V-Sec. chu an hna thawhna hmun Champhai atangin an lo haw.

■ NI. R. Lalruatfeli d/o R. Vanlalnghaka, N-Sec. chu a hna thawhna hmun Kawnpuia atangin chawlh hmangin a lo haw.

■ Pi Mary Lalnunpari, V-Sec. te nufa chu a nu dam lo kanin Shillong-ah an zin.

■ Pu Zokhuma, K-Sec. te chhungkua an fate tlawhin Rulpuihlamah an zin.

■ Pi Lalramliani w/o Dr. Lianthangpuia, N-Sec. Delhi a nghawng leh kawng zaia hun emaw chen inenkawl chu in lama enkawl chhunzawm turin a lo haw.

LAWMAWM

■ Pu Tlangtimawia Zote, kan Branch YMA President lo ni reng tawh chu Jt. Director of Agri. Deptt. atanga a pension hnuin a thawhna Department vekah hian kum khat chhung atan Consultant turin rawih leh a ni.

■ Samuela Hmar s/o Rokhawmliana, S-Sec. leh Lalnunthari d/o Lalhlunchungi K-Sec. te chu ni 14.03.2025 (Zirtawpni) khan Ramhlun East Presbyterian Kohhran Biak Inah an innei.

■ HD Zothansiami d/o Darthanguama, C-Sec. leh PC Lalremruata, Ramhlun Vengthlang te chu ni 13.03.2025 khan Ramhlun Vengthlang Presbyterian Kohhran biak inah an innei.

■ Pi Lalhmingliani Hmar w/o Er. C. Lallawmsanga, N-Sec. chu International Women's Day, 2025 denchhenin Mizo Hmeichhia a Engineer hmasa ber leh Engineer in Chief (P&E Department) hmasa ber a nih avangin chawimawina hlan a ni.

LEI PIAH LAMAH**Laltluanga Sailo, Kum**

83 h/o Lalnunmawii, T-Sec. chu ni 11.03.2025 (Thawhlehi) zing dar 8:20 khan a boral a, hemi ni vek chawhnu dar 1:00 khan Ramhlun North Thlanmual, Zemabawkah vui liam a ni.



Lusun khawhar chhungte thlamuantu Pathianin vengin awmpui zel rawh se.

CENTRAL YMA THU

■ YMA Rorel Inkhawm Vawi 4-na thurel YMA KHAWIH sl. no. 3 **"Kum tin a Furpui a lo thlen dawnin hemi ken tel chhiatna hrang hrang laka lo inven lawkna turin 'Fimkhurna Hapta/Thla ram pumah hman thin ni rawh se'"** tih bawhzuina kal zelah, ni 3.2.2025 (Thawhtanni)-a Central YMA Executive Committee thukhawm chuan, April thla hi **Fimkhurna Thla** a tan hman thin ni se tiin a rel a.

Hei bakah hian a hnuaia kan rawn tarlan point hrang hrangte hi mahni Sub-Hqrs., Group leh Branch YMA huam chhungah lo puangzar tur leh chak taka lo bawhzui turin kan ngen a che u.

1. Inhmun leh lei lai ten Furpui lo thlen hma a kan lei laih te nghet taka lungrem/Concrete a tih ngheh hman ni se.

2. Thal chhungin mitin in tuidawn leh tui paihna mumal taka siam a, tui chhe paihna te kawrpui ah tha taka luan luh tir ngei ni se.

3. Furpui lo thlen hmain a tul anga kan chenna in-te lo thawm that lawk tur a ni.

4. Khaw tin/Veng tinin kan huam chhunga lui leh kawr-te hnawhtu a awm leh awm loh leh a him tawk em tih en fel vek ni se. A him tawk lova kan hriatte chu then fai ngei ni se, a tul dan a zirin YMA hnatlang pawh koh a tih that vek ni bawk se.

5. Kan huam chhunga lungrem leh culvert-te a him tawk leh him loh dan te en fel ni se. A him tawk loh chuan tih that vat dan ngaihtuah ni se.

6. Kan huam chhunga thing zar leh thingzar ro tlak/ tluk hlauhawm te Forest Dept. hriattir emaw then/ kih/ thlak fai ni se.

7. Kham/ Kawngko sanga lung tla leh lei min mai thei a awm leh awm loh en fela, hlauhawm a awm chuan hma lak nghal ni se.

8. Kan huam chhunga lei tla hniam hlun leh min thinna hmun te chhiatna nasa zawk thleng thei turte uluk taka en fel a, a tul anga invenna siam ni se.

9. Kan thlanmual a him em tih uluk taka en fel ni se, a tul anga thlan chung pawh tui lut thei lo tura Cement a zut phui vek ni se.

10. Kan chenna in fur ruahpui leh thli-ah a him dawn lova a lan chuan chhuah san rih mai a tha.

THILDANG

■ **Cricket:** Inter Academy Tournament, 2025 (Under-14) khelh mekah ni 12.03.2025 khan Ramhlun North Cricket Club Academy chuan Kulikawn Cricket Club hnehin Quarter-Final an lut a ni. Tin, Benjamin Vanlalpeka s/o Lalbiakzuali Khiangte, C-Sec. chu **Man of the match**-ah thlan a ni. Ni 21.03.2025 hian Quarter Final-ah Hunthar kan tum leh ang.



ARTICLE

**BENG CHIRI LEH RIMAWI
(KA INPUANNA)**

- Dr Lalsiampâra

Mihring tung chhova kalte hian thawkkhat ri hriat pangngai rêng ni lo, beng kiu leh ri ve ve hriat hun hi kan nei theuhin a rinawm. (Hetiang hi beng chiri tiin ka dah mai). Mi vanduai deuh thenkhat phei chuan chawl lovin beng chiri hi an hre thin bawk. Chung ho zînga a ziawm deuhin zân reh hun leh hmun khawhar, thawm awm lohna hmuna an awm chângin an hre thei a, a nasa deuhthe chuan khawi hmunah pawh awm se, hetiang ri hian a kiansan lo.

Beng chiri/Lubûr ri (Tinnitus) hi mi pakhtatah pawh chi hrang hrangin a ri thei a, sin taka ri véng véng hi a tlânglâwn ber a ni awm e. Thum ri hum hum leh ri laihawl eng emaw zat, a malin emaw a zavaian a rualin emaw an hre thei thin bawk.

Beng chiri hi natna thenkhat vângin a awm thei a, chûngte chu a awmtîrtu natna enkawl dam chuan a reh ve leh mai. Kum a lo tam hian natna vâng êm êm pawh ni lem lovin a awm duh hle. Ri hriatna uaithla tûr hmahruaitu chi khat a nih bawk avângin a reh mawh hle, reh ahnêkin kum a tam ang zêlin a zual telh telh duh viau. Ri chi khat mai ni lo, chi tam tak ri leh hrâm ta nuaih nuaih hria pawh an awm thei.

Hetiang nei mi hian hrehawm an ti viau thei. Enkawlna tha leh sawtpui theihna a awm loh avângin rilru lam buaina (depression) neih phah mai pawh thil awm thei a ni. Hetiang dinhmuna dingte tâna thil pawimawh ber chu, he thil hi a tuartu tân a ninawm e, tih mai loh chu taksa that loh phah nân pawl a sawi êm êm lo tih hriata, ngaia neih thiam a tha.

Hetiang nei mi hi an rilru puthmang azirin a rik dan a insiam danglam (modify) thei hle - bengchheng ri nuaih nuaih, ramhuai au aw leh hremhmun thawm ni mai awma thenkhatin hriat châng an neih laiin music mawi tak leh vân zaipâwl thawm hre zawk pawh an awm bawk.

Kei pawhin beng chiri hi doctor kan zir tantirh kum (1974) aţang khan ka nei a, rawn zual deuh châng a neih fo avângin ka entir fo a, thil pawl em em an hmuh ngai loh avângin ngaia neih mai tûra min râwn chinah chuan ka entir duh ta lo. Beng lam natna ka zu zir leh hnu pawhin tum khat chu uluk deuhin ka entir a, eng vak kan hmu chhuak chuang lo.

Civil Hospital, Aizawla ka thawh ve hnuin (1988) zawi zawiin a zual hret hret a, rimawi hriat châng pawh ka nei ve ta. KTP zaipâwla ka tel ve thin laia kan hla sak thin te, Kristian Hla Bu-a mi te leh Mizo khawhar hla thlûk ang, tîngtang leh keyboard-a thiam taka tum ri ang hi ka hriat tam ber chu a ni. Hriat mang loh kâra chûng ri mawi rema lo zai chhuah veng veng châng pawh ka nei fo. Kahhitna hmanga damlo ka zai laia ka zai chhuah chungchâng damlovin a sawi hi a lawmawm hranpa ve khawp mai - "Min zaitu chu min zai laiin 'confi' takin a zai vêng veng mai a, a ngaihtat thlak hle mai", a tih chu mawle.

Sawrkhar hna aţanga ka chawlh hnu hian ka beng chiri hi a zual ta viau mai, sâng taka ri ve ve leh hniam taka tui luang anga ri huau huau hi a Chiang hle a, a kârah chiap chiah chiah leh ka sawi thiam chiah loh, au deuh nuaih nuaih leh keyboard ri ang deuh thawm dang dang pawh a awm nual. Tun hnai deuh aţang phei hi chuan thum hniam deuha ri deuh ngul ngul hriat chang pawh ka nei. Thil dang ngaihtuah lova heng thawm ngawt ngaithlaa ka rilru ka sawrbing châng chuan ka lu bûr chhung hi a ri bur bur a, a ngiau ngawl ngawlin a ri tlut tlut hi a ni ringawt.

Heng rite hian ka nunphung an tibuai hran lova, ngaiah ka neih theih avângin tawrhhlelhawmah ka ngai lo. Upat lam ka lo hnaih ve tak avanga ri hriatna chak lovin a ken tel a ni tih ka hria. Ri hriatna chak lo zawk erawh hi chuan min tibuai takzet. Lui kama ram riah tum tui luang riin min awi mu ang deuh hian heng beng leh lubûr chhûnga ri chi hrang hrangte hi zanah pawh min awi mutu tha tak an ni fo. Music mawi tak anga a rik châng phei chuan rilru an tihlim veng veng thin zawk a, a rema lo zai chhuah mai hi thil awl tak a ni.

He ka harsatna ang nei hi kum upate zingah an awm ve thei tih ka hria, tam takin tawrhhlelhawm in lo ti viau pawh a ni thei. Heng mite tân hian tangkaina a awm mial beiseiin, mahni inmualpho pawh



ADVERTISEMENT

ST. STEPHEN'S SCHOOL

(5-5)

RAMHLUN 'N', AIZAWL

ADMISSIONS HS & HSS (Arts & Sc)

Zirtirtu tha tak te enkawlina *Zirlaite hmathlir neihpuina *Zirlaibu piah lam nunphung zirtirna

FREE ADMISSION FOR CL-IX (9774632726/ 9436353625)**MONT FORT HSS****Ramhlun North, Aizawl**

CLASS IX- XII (Arts)

Admission hawn mek a ni

Experience teacher te zirtirna hmun a ni. Kum tin HSLC leh

HSSLC Result tha tak kan nei thin.

9436365546 / 8414960761**STAINE'S MEMORIAL SCHOOL****Chanmari, Aizawl****ADMISSION OPEN**

CL-IX-XII (Arts, Science & Commerce)

Day Scholars & Hostellers

Contact : 7005631048/ 7005461509/ 9862665024/ 7005679553**Office hour 9:30 am - 3:30 pm (Monday - Friday)** (5-4)**HOLY CHILD SCHOOL****ADMISSION OPEN**

Nursey to CL-X, Principal office RSC field bulah admission a tih theih reng e.

Contact : 9436154080/ 7005612221**Office hour 10:0 am - 3:00 pm****HRIATTIRNA**

Pi Vanlaiduhsaki d/o Strong Pillar-a of IOC Veng, Vairengte hian a LSC no. 101501/01/507 of 1999 of IOC Veng a mi hi tobava rawn insawiin office-ah re-issue a rawn dil a. A dil anga tihsak a remlohna chhan engpawh hria chuan chanchinbu a chhuah atanga ni 30 ral hma ngeiin a hnuaia address ziakah hian hriattir tur a ni. Hetianga LSC thar pekchhuah leh a lo nih chuan LSC hmasa chu cancel nghal a ni ang.

sd/- Settlement Officer
Land Revenue & Settlement
Kolasib District, Kolasib

ALDO'S DENTAL CHAMBER**Servamus plaza,1st floor Ramhlun N**

Ha leh ka chhung hrisel leh fai tak nei turin kan lo pui ang che,Opening month anih avângin 40% discount kan kalpui mek e.

For appointment:**8415848479****8415060649***(Chhunzawmna)*

pawisa zo lovin he thuziak pawh hi ka buatsaih a ni rêng a ni. Uluk taka beng lam thiam doctor (ENT Specialist) leh thluak leh thazâm lam thiam doctor (Neurologist/Neuro Surgeon) i inentîr hnu pawha that lohna êm êm dang an hmu lo a nih chuan lungkham duh vak suh. Ngaiah neih tum la, awmze neia i lubûr rîte kha a inrem khawm chuan music mawi zet an ni thei a nia. Pathian ngaihna lam hla leh rimawi (Gospel musics) lama i inchiah hneh deuh erawh ka duhsak hle a che. Kan hriat than rimawi leh thawm ang hi lo ri chhuak thin a ni chawk.